

عسى الله أن يأتيني بهم جميعا | الحلقة (61) | #كأنك تراه |

د . حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اما بعد تخيلوا يا جماعة لو واحد نزل اشترى لبس زابط وعلق نسرين ولا نجمتين ونزل وماشي في الشارع هيحصل ايه؟ هيتبلغ عنه وهيتقبض عليه وهيتسجن ليه؟ انت حال - [00:00:00](#)

صفة زابط جريمة يعاقب عليها القانون. امال انتحال صفة رب الكون يا جماعة. يعني انت حال صفة رب الكون. ان حد يوهمك ان في ايده سعادتك. ان حد انه في ايده تحقيق احلامك. ان حد يوهمك ان في ايده رزقك. عسى الله ان يأتيني بهم جميعا. الوحيد اللي - [00:00:30](#)

في ايده تحقيق كل طموحات حياتك وحياتك. هو ربنا سبحانه وتعالى برجاء الانتباه. يا جماعة القانون لا يحمي المغفلين. يا اخوانا الحياة اقصر من ان نضيعها على باب المخلوق. على باب من لا يرحم ومن لا يقدر. تعالوا نعيش في جنة قول الله - [00:00:50](#) عسى الله ان يأتيني بهم جميعا عسى الله ان يأتيني بهم جميعا. الدرس ده احنا بنتكلم فيه عن ايه؟ يا جماعة سبب هم الناس في الحياة كله حاجتين. يا اما واحد عنده مشاكل مش قادر - [00:01:08](#)

رحلة يا اما واحد عنده طموحات مش قادر يحققها. اللي عنده مشاكل مش عارف يحلها. عملنا له درس فلا كاشف له الا هو. عشان نقول ان ما حدش يقدر يحل لك مشاكلك الا ربنا. واللي عنده طموحات مش قادر يحققها. عملنا له الدرس ده. عسى الله ان يأتيني بهم جميعا - [00:01:32](#)

عشان نقول له ما حدش يقدر يحقق لك طموحاتك غير ربنا. ما حدش يقدر يحقق لك احلامك غير ربنا. الطموحات هو اكبر سبب عطل الانسان ربنا دايم الشباب الطموح اللي عايز ياخذ شهادات ويوصل لهاي ستاندرد ليفل متهيأ له ان الدين اعاقه بالنسبة له. عشان كده انا باكلم النهاردة مين؟ انا باكلم - [00:01:52](#)

نخبة الامة. بكلم الاوائل على الكليات. بكلم الشباب اللي عايز يبقى من المخترعين المبدعين في الامة. بكلم الشعراء والفنانين اللي عندهم ميول فنية بطاقات عالية. باكلم نخبة الملتزمين اللي عايزين يبقوا دعاة وعلماء. باكلم نخبة الملتزمات اللي عايزين يعملوا حاجة لنصرة دين ربنا. انا باكلم - [00:02:12](#)

قادة الغد يا جماعة وبالكلم اللي عندها احلام وعنده احلام بيناموا ثلاث ساعات راسهم على المخدة مش عارفين يناموا من كتر ما بيحلما احلام اللي مكتوبة اللي جوة قلبهم. انا باكلم كل دول باقول لهم نص ساعة على باب الخالق. توفر عليكم سنين مع الاسباب. نص ساعة - [00:02:32](#)

قبل الفجر على باب الخالق توفر عليكم الام السنين وجهد السنين. انا عايز اقول لكم مين اللي يقدر يحقق لك طموحك؟ تعالوا نعيش مع الرحلة الممتعة دي. تعالوا نعيش مع الشعارات القرآنية العظيمة. اللي تنور لنا حياتنا بالقرآن لكل انسان طموح. القرآن بيكلمك يا كل - [00:02:52](#)

في واحد طموح بيقول لك واحد فسخرنا له الريح. هو الوحيد اللي يقدر مهما كانت طموحاتك ايه طموحاتك ايه؟ شهادة، فلوس، آآ شقة في مكان راقى، آآ عايز تبقى داعية، عايزة تطلبي علم. طموحاتك ايه؟ ان البحر يتشق لك. شوفوا - [00:03:12](#)

ربنا حقق طموحات الصالحين قد ايه؟ يا اخوانا سيدنا سليمان بيقول هب لي ملكا لا ينبغي لاحد من بعدي. الله! هو ان انا اطمح مش حرام سيدنا سليمان طلب من ربنا طموح وربنا حققه له. ربنا بيقول فسخرنا له الريح. ايه طموحك يعني؟ ان ربنا يسخر لك حركة -
[00:03:32](#)

الرياح على وجه الارض. سيدنا داود ربنا سبحانه وتعالى ادى له الملك وهو عنده واحد وتلاتين سنة. سيدنا داود ربنا حقق له كل طموحاته واحلامه وانطق له الجبال والطير. ايه الطموحات بتاعتك يعني؟ سيدنا ايوب ربنا امطر عليه السما دهب. امطر عليه جراد من ذهب سيدنا - [00:03:52](#)

محمد ربنا رفعه سدره المنتهى. سيدنا موسى ربنا شق له البحر الاحمر. ايه الطموحات بتاعتنا؟ عشان كده عايزين نخرج من الشعار الاولاني فسخرنا له الريح. ان ربنا يقدر يحقق لك اي طموح. وما حدش يقدر غير ربنا. بس افهم قول رسول الله صلى الله عليه وسلم في صحيح مسلم. انا بك واليك - [00:04:12](#)

انا بك يا رب. انت الوحيد اللي تقدر تبنييني. انت الوحيد اللي تقدر تحقق لي احلامي. انت الوحيد اللي تقدر ترفعني. اتنين عسى الله اه ان يأتيني بهم جميعا وتحققت الاحلام. سيدنا يعقوب يوم ما قال الكلمة دي يا جماعة كان ولد من اولاده بقى له اربعين سنة -
[00:04:32](#)

تايه منه وضايع منه. وولد ثاني من اولاده في دولة تانية ما يعرفش عنه حاجة. اللي هو بنيامين وولاده متفرقين. ما بين مصر والشام وهو في اللحظة دي قال لولاده عسى الله ان يأتيني بهم جميعا. انا عندي طموح ان ربنا يجيب لي كل حاجة مع بعضها في لحظة واحدة - [00:04:52](#)

اولاده قالوا عليه مجنون. اولاده اهتموه بالجئون. عارف معنى كده ايه؟ معنى كده ان ربنا بيقول لك احلم. معنى كده ان ربنا بيقول لك الطموح مش غلط حتى لو في الدنيا الطموح في الدين والدنيا شيء عظيم يا جماعة. اهل الطموح هم قادة المستقبل. الطموح بيبقى مش غلط. لو ما اتحولش - [00:05:12](#)

بينك وبين ربنا. لو اتحول لسلمة بتقربك من ربنا. جميل اوي. ان يبقى نفسك تطلع الاول على الدفعة. جميل قوي ان يبقى نفسك انك تبقى مخترع عظيم تفيد الامة. جميل قوي ان يبقى نفسك انك تبقى داعية كبير ينصر الاسلام. جميل اوي ان يبقى نفسك انك تبقى عالم في - [00:05:32](#)

شريعة. جميل قوي ان يبقى نفسك انك تعملي حاجة كبيرة اوي لدين ربنا قبل ما تموتي. جميل اوي يا جماعة سيدنا زكريا قال هب لي من لدنك طموحه في ابنه انه يبقى من اولياء الله. طموحه ان ربنا يدي له ولد يوحد الامة. ويقضي على التمزق بتاعها - [00:05:52](#)
السيدة ام مريم. السيدة حنة ام مريم. رب هب لي كانت بتقول اني نظرت لك ما في بطني محررة. ام مريم لكن طموحها ان ربنا يرزقها ولد يحرر المسجد الاقصى من اسر الرومان. جميل اوي ان احنا نبقي طموحين. سيدنا يعقوب لما - [00:06:10](#)

ولما طمح ايه اللي حصل؟ ربنا ادى له ابنه رجع له يوسف وادى له ملك مصر ورجع له بصره. وهدي له ولاده ووحد له ولاده خلاهم انبيا لحد الوقتي اسمهم بني اسرائيل اسرائيل اللي هو سيدنا يعقوب. جميل اوي واتحققت الاحلام. تلاتة ياتي بها الله - [00:06:30](#)
احلامك عندنا. احلامك دنيا او دين. عند ربنا سبحانه وتعالى. احلامك دنيا او دين. لو الاحلام دين يا ارقى احلام دينية في الحياة ايه؟ سيدنا عمر وهو بيقول اللهم ارزقني شهادة في سبيلك وموتة في بلد نبيك. يا عمر ابن الخطاب ده انت - [00:06:50](#)

دلوقتتي انت الوقتي امبراطور على مستوى العالم. والمدينة المنورة دي العاصمة اقوى بلد على مستوى الارض. ازاى تموت شهيد فيها؟ القتال بعيد عن المدينة ازاى تموت في المدينة وتموت شهيد ربنا رزقها له يا جماعة. زي الصحابي اللي راح للنبي عليه الصلاة والسلام. قال له انما اتبعتك على ان اضرب بسهم ها هنا - [00:07:10](#)

اموت فادخل الجنة شوية وجايبين للنبي عليه الصلاة والسلام جسة. واحد مقتول وسهم داخل من رقبته من الناحية دي. خارج من الناحية التانية. النبي عليه الصلاة والسلام بيقول لهم اهو - [00:07:30](#)
هو هو ده اللي كان جاي من الوقت بيقول عايز اموت بسهم هنا قالوا له هو هو يا رسول الله. قال لهم صدق الله فصدق الله. طموح

زي ربيعة بن كعب الاسلامي فقير بس طموح. النبي يقول له سلني يا ربيع. قال له اسالك مرافقتك في الجنة. يا ربيعة اطلب اكلة حلوة - 00:07:40

حاجة تلبسها في رجلك. لقمة تتعشى بها. انا عايز ابقى في الفردوس الاعلى. معك يا رسول الله. سيدنا موسى رب ارني انظر اليك الطموح بالنظر لوجه الله. الطموح بالفردوس الاعلى. الطموح بالشهادة في سبيل الله. الطموح بحسن الخاتمة. احلامك عندنا. يأتي بها الله. طب - 00:08:00

لو طموحات دنيوية سيدنا موسى يقول ربياني لما انزلت الي من خير فقير. شاب مطره مطرود من مصر مطارده مش متجوز ما عندوش شغلانة. ما عندوش شقة يسكن فيها. زي اي شاب عايز ثلاث حاجات. شقة جوازة وزيفة. في سورة القصص ربنا اداهم له في لحزة واحدة - 00:08:20

ربنا ادى له الشقة والوظيفة والجوازة في لحظة واحدة في موقف واحد بس. لما سقى للفتاتين في سورة القصص احلامك عندنا دكتور في الجامعة في كلية صيدلة آآ الدكتور ده يعني كان قاعد معي مرة في جلسة الضحى وقاعد يدعو الشباب فيقول لي انا وانا في سانبوية عامة - 00:08:40

جبت مجموع صيدلة ولكن ما كانش فيه صيدلة في البلد بتاعتنا. كان لازم ارواح القاهرة لم اكن املك شيه. اضطريت ادخل كلية تانية مش عايزها. في بلدنا. سقطت اول سنة من الاحباط فتحوا السنة اللي بعدها صيدلة في بلدنا. دخلت فيها بالمجموع بتاع السنة اللي قبلها. كان ده الشرط بتاعهم. ولكن حصل لي زروف - 00:09:00

سقوط اول سنة في كلية صيدلة اتحطمت احلامي. لاني كان نفسي اتعين في الجامعة واول دفعة هم اللي بيعينوها كلها. عشان لسة كلية جديدة. اول دفعة حصل تزوير في اخر - 00:09:20

بس انا في الكنترول مجلس الجامعة قرر عدم تعيين حد الا اللي جايب مرتبة شرف كانوا قليلين. الدفعة التانية اللي هو كان فيها خدوا معزم الدفعة. خدوا سبعة وتلاتين واحد هو دلوقتي استاز في كلية صيدلة. يا اخوانا احلامك عندنا يأتي بها الله. يأتي بها الله. فسخرنا له الريح - 00:09:30

عسى الله ان يأتيني بهم جميعا يأتي بها الله. رابعا ان الله لا يتعاضمه شيه. ولا في الاحلام. انا عايز اكلمكم في النقطة دي عن عطاءات الله. العطاءات الدنيوية الجبارة للصالحين. يعني هو ربنا مش ادى للصالحين ايمان ويقين وعافية - 00:09:49

فيه عطاءات دنيوية جبارة. ربنا خلى عباده ملوك زي سيدنا داوود. زي سيدنا سليمان خلاهم وزراء. زي سيدنا يوسف. خلاهم ملطي مليونيرات زي سيدنا ايوب عليه السماء ذهب. خلاهم مخترعين عظماء زي ذو القرنين وزي سيدنا داوود. ربنا يا جماعة - 00:10:09

لما انشغلوا به اداهم من الدنيا اكتر من اللي انشغل. بالدنيا ولا في الاحلام يا جماعة. ربنا قادر سيدنا سليمان اذ عرض عليه بالعشي الصافرات الجياد عشرين الف فرس رافعة رجل وواقفة على تلت رجلين بمليارات ممليرة. جابهم منين ؟ سيدنا داود بقى ملك انا عايز انا - 00:10:28

جايب لكم المصحف معي عشان الصفحة التانية من سورة صاد يا اخوانا. الصفحة التانية من سورة صاد. صاد ربعمية اربعة وخمسين في المصحف. انا قاصد افتح المصحف عشان انتم بعد الحلقة او في الحلقة تفتحوا معي الصفحة التانية من سورة صاد. صفحة واحدة لعبد واحد شوفوا ربنا ادى له ايه انا جعلناك خليفة في الارض - 00:10:48

ان له عندنا لزلفى وحسن مثاب. انا سخرنا الجبال معا. الطير محشورة. كل له اواب. شددنا ملكه. اتيناه الحكمة وفصل الخطاب كل دي عطاءات لواحد بس. احلامك عند ربنا. الوحيد اللي يقدر سيدنا يوسف اجعلني على خزائن الارض - 00:11:08

ربنا حققها له. اخيرا يا جماعة ومن دونهما جنتان. الناس اللي عندها طموحات جبارة. ربنا نزل لهم سورة الرحمن. سورة الرحمن بتكلم الناس انت هتتجنن من الطموحات الدنيوية. سورة الرحمن ها له الجواري المنشآت في البحر كالاعلام. اللي عايزين يخترعوا سفن زي عملاقة زي الجبال. ان استطعتم - 00:11:28

ان تنفوزوا من اقطار السماوات. اللي عايزين يعملوا برامج حرب كواكب ويخترعوا صواريخ. ربنا كلمهم في الرحمن عن حاجتين.

الحاجة الاولانية النص الاولاني من السورة نعم ربنا كأن ربنا يقول للانسان الطموح انا مش ضدك. ده انا اديتك من قبل ما تسأل. واديتك من قبل ما تعبدني لو عبدتني احقق لك طموحاتك. الحاجة الثانية - [00:11:48](#)

ربنا اتكلم عنها. اطول سورة في القرآن اتكلمت عن مقامات الجنة. عن الفرق بين نعيم السابقين. ونعيم اصحاب اليمين ومن دونهما جنتان. يعني عيب انك في الدنيا تبقى ما بتقبلش غير بالنجوم. وفي الاخرة راضي بالدون. ومن دونهما جنة. ليه؟ ما تخلبك ولمن خاف مقام ربه جنتان - [00:12:08](#)

ذوات افنان فيهما من كل فاكهة زوجان. الثانية فاكهة ونخل ورمان. فرق رهيب. دي كانهن الياقوت والمرجان دي خيرة حسان دي عينان تجريان دي نضاختان. دي زوات افنان دي مدهمتان. فرق كبير قوي يا جماعة - [00:12:28](#)

فرق كبير كأن ربنا يقول لكل واحد طموح اطمح. بس طموحك ما يشغلحك عني. وطموحك ما يشغلحك عن الطموح في الجنة. يا اللي عايزين الهيستاندرد ديفل مزاين ربنا فيها شقق في ارقى اماكن. خزائن ربنا فيها ذهب ومجوهرات. خزائن ربنا فيها وزايف في الجامعة. خزائن ربنا فيها ان - [00:12:48](#)

يدخلوا انترناشيونال سكولز. خزائن ربنا فيها دولارات. حتى لو الدولار بقى بعشرين جنيه. والريال بقى بعشرة جنيه. خزائن ربنا مليانة يا جماعة التوصيات النهائية عايزين نقول ايه ؟ عسى الله ان يأتيني بهم جميعا. الوحيد اللي يقدر يحقق لك احلامك - [00:13:08](#)

التوصية الاولى عكس المتوقع. مش هقول لك خلي طموحاتك عالية. ما تطمحش في دنيا. ما تطمحش في جوازة. ما تطمحش بوظيفة. لأ اطمح. اطمح زي ما انت انت عايز بس على شرط انك انت ما تبقاش عبد لطموحك. بدل ما تبقى عبد لله. سليمان طمح وكان نبي من الانبياء. بس لما - [00:13:26](#)

ايه اللي عطلته عن ذكر ربنا دبحها؟ ليه؟ الكلمة اللي واحد من شيوخه قالها لي زمان. اي حاجة هتروح من حياتك. وهيجي مكانها ربنا انت الكسبان اوعى طموحك يحولك من عبد لله لعبد للطموح. الحاجة الثانية يا جماعة انت عارف يعني ايه ربنا يحقق لك طموحك؟ يعني شجرة حياتك يطلع لها ثمرات - [00:13:46](#)

يعني ربنا يبارك لك في عمرك. معظم الناس ده هم كلهم ماتوا وهموتوا واحلامهم مش هتتحقق. ومش هيعملوا انجاز كبير في الحياة. اشمعنى اللي ربنا يخليك تعمل انجاز كبير في الحياة. ربنا هيبارك لك في عمرك يبقى ادي له عمرك. يبقى ادي لربنا من عمرك. انا بك واليك. خليك - [00:14:06](#)

بالله هو اللي يبنيك وهو اللي يعليك. هعلمكم دعاء قبل ما اسيبكم بقى بازن الله سبحانه وتعالى. لو وازبتوا عليه حباية حباية مرتين مرة الصبح ومرة بالليل. بعد الفجر وبعد العصر. ايه الحباية اللي النبي عليه الصلاة والسلام علمها للسيدة فاطمة. واصر على السيدة فاطمة فيها. يا حي يا قيوم - [00:14:26](#)

برحمتك استغيث. اصلح لي شأني كله. واخدين بالكم؟ اصلح لي شأني كله ولا تكلني الى نفسي طرفة عين يا حي يا قيوم. يا من انت قائم على كل شيء. برحمتك استغيث. اسألك برحمتك التي وسعت كل شيء. اصلح لي شأني كله - [00:14:46](#)

ان تصلح لي كل شيء. ولا تكلني الى نفسي ولا تكلني الى التي افسدت علي كل شيء. يا رب اصلح لي عشان خاطري يا رب العشم في ربنا. زي اصلح لي في زيبتي كده شأني كله. زرة التراب دي. انا ما اقدرش اصلح لها كل شؤونها. انت ايه بالنسبة لربنا - [00:15:10](#)

ان الله لا يتعاضمه شيء اعطاه. ربنا يا جماعة ما بيصعبش عليه انه يدي. ربنا ادى ملك وما يصعبش عليه. ربنا يا جماعة ممكن يدي اي حاجة. ده حديس النبي عليه الصلاة والسلام لا يتعاضمه شيء اعطاه. اطلبي اطلب من ربنا ربنا يقدر يدي كل حاجة. ويرضى كريم يا رب. اصلح لي - [00:15:30](#)

في شأني كله ولا تكلني الى نفسي طرفة عين. خلوا الدعاء ده نبراس لحياتكم. ان ربنا يحل لكم مشاكلكم. ان ربنا يحقق لكم طموحاتكم طول ما انتم مواظبين على الدعاء ده الصبح وبالليل. تيجوا يلا ؟ تيجوا ندعي الدعاء ده مع بعض من قلبنا ونتعاهد ان احنا كل يوم الفجر والعصر ندعي - [00:15:50](#)

زي ما النبي عليه الصلاة والسلام علم السيدة فاطمة يا حي يا حي يا قيوم برحمتك نستغيث اصلح لنا شأننا كله. ولا تكلنا الى انفسنا

طرفة عين. يا حي يا قيوم - [00:16:10](#)

قيوم برحمتك نستغيث. اصلح لنا شأننا كله. ولا تكلنا الى انفسنا طرفة عين يا حي يا قيوم برحمتك نستغيث. اصلح لنا شأننا كله

اصلح لنا شأننا كله ولا تكلنا الى انفسنا طرفة عين. اللهم امين. الله - [00:16:30](#)

امين. اللهم امين سبحانك اللهم وبحمدك اشهد ان لا اله الا انت استغفرك واتوب اليك. جزاكم الله خيرا. وكيف احب غير الله يوما

وليس سواه بالمذاق - [00:17:02](#)